

易  
簡  
齋  
詩  
鈔

易簡齋詩鈔卷四

蒙古 額爾德特和瑛 太葦

辛未

正月上辛

祈穀南郊迎送

聖駕恭紀五律二首

原筮春旬吉初辛祀典虔

是年正月十一日辛酉夜子初一刻立春

故以二十一日辛未爲立春後初辛

仗移新絜日

輦映蔚藍天樹裏鯨銓度墀旁鷺序聯甘泉嘉  
氣頌寰宇兆豐年

太液池南北冰紋軟半消曉寒猶帶臘春旭漸  
分韶馬趁金麾肅人馳玉節遙

天顏瞻拜處

喜色溢鸞鑣

二月孫恒福出痘一顆花朝喜而賦詩

稚子神峯骨天花一粒開暈看桃放蕊結喜蠟  
凝菱七寶還丹熟三華聚頂培老夫舊衣鉢傳

爾法門胎

喜雪二首

帝里開韶景花朝雪不妨豈同西硬雨

西藏伏夏時多

冰雨

更異北明霜

輪臺冬春晝降明霜

地溥來牟潤人歡耒

耜忙三壇舒

聖厯瑞兆仰

心香

喜拭涵星硯明窗意興饒輒風飄玉碎煦日作  
霖消靜裏心花妙閒中氣海潮那須驢背詠詩

思發湖橋

三月三日雨後

聖駕耕藉田禮成恭紀

月額霑時雨剛逢吉亥辰青旗雲影溼

翠幄露華勻拱立卿班肅羣瞻

御耜巡氣涵千畝潤膏壤一犁新浴種縹緗滿

投轅總轄馴不沿修禊典惟示

劭農身埽陌停幽雅盈阡拜甸民

四推逾古制

上凡四推  
四反俱盡隴

無逸頌長春

丹醫行

神丹本烏有浩浩滄海迷小還復大還古來成  
者誰坎離作鑪鼎乾坤爲鍛錘三百六十爻爻  
爻候丹期自有參同契致啟千載疑神農嘗百  
草方劑和高岐百草具本性性徹人心脾五行  
有制化診其偏者治無奈瞽矇流望切多失宜  
肩頭三斗火熱者猛加脂指上一盤冰寒者堅  
凍斲冰火不相濟誤投吁可悲陰陽和平人寒

熱惡能欺慎疾於未然勿藥真良醫如常不妄  
作妄作凶則罹長生厄得致失足悔何追我讀  
黃庭經合丹等管窺又閱醫易義論醫皆目皮  
丹醫兩家術往往竊孔義孰知大易道萬物體  
不遺試近取諸身百年無成虧保元地雷復安  
神澤雷隨祛邪山澤損攝生山雷頤伯陽扁鵲  
起我願前致辭

詠蓮房子玉煖手

牡丹秋無實黃菊春不華獨此水中蓮華實兼

可嘉雪蓮凍澗底木蓮老林樞何如一片玉琢

就芙蕖葩我友王北垞贈言天一涯

乾隆癸丑  
予奉使

西藏陝西鳳郿  
道王文湧所贈

養心蓮未開守身玉無瑕隨予

二十載坐臥盈掬挈堅光越晶瑩湖目疑吐芽  
玩物比君子娛老堪咨嗟

過漕河慈航寺方恪敏公祠

崛起青雲客驚心落魄時翳桑人豈少漂絮媪  
難期未著王臣蹇安知國士奇苾芻真具眼千  
載護名祠



雨宿樺皮村米生餉熟雞子以京筆答之  
甘澍通宵萬姓娛不妨旅客溼行廚劇憐啖我  
雞九子減爾茅簷幾箇雞

涿州偶憶黃相士五十餘年矣感賦

白閣仙翁骨法神憑將尺宅相終身月波洞裏  
今藏記水鏡門前昔問津試劒始知歐冶子按  
圖恐誤九方歟何當鶴睫毛經眼認取凡閒幾  
世人

大風拜別祖墓

盤盂雜沓楮紛紜楊雨松濤振不羣爲護孫兒  
天馬壯故教一酹起風雲

玉田道上

茂密平原麥真如玉種田莫教村婦泣賤售出  
租錢

沙流河村市

熙熙野老聚村阿宛轉平沙涉淺波記取此鄉  
豐潤景趁墟菽粟布棉多

渡河抵永平府

元武來幽塞

潞河爲京師元武水

青龍匯似螺

府西北有盧龍河匯

焉

朝宗同軌日正值海無波

### 出山海關作長歌

梯山不見海航海不見山合觀山海雄天下無  
此關憶予舊遊秦漢壘金陡玉門東西峙洋瑪  
噶遜古陽關更出玉門五千里連雲棧閣達魚  
通不及提茹去天咫西下隄茹路七千雪窖冰  
城數難紀方今四海爲一家白霄黃番盡赤子  
勃律廓喀不設險無人敢窺虎落鄙此關屹立

山海閒劒屏森列洪濤起絕頂長城萬里表有  
似渴虹飲海水我

朝山海効靈日啟關不費

天戈指巍巍

帝闕望陪京柳往雪來戶闔耳今我叱馭瀋  
陽道不復候繻憑一紙歛歛往代誇武功笑渠  
未見遼東豕

望海店

森森橫天際傾蠡側一灣澄光鋪似練浩氣立

如山四瀆原無擇三神詎可攀大方應見笑垂老怕清閒

途中絕句

天風瑟瑟強舒眸一派涵空萬象收水到盡頭無盡日須知還發水源頭

宿松山述事

皇圖締造艱

肇基薩爾澹

我太祖高皇帝天命四年大破明師於薩爾澹山明萬厯四

十七年也亦越崇德年松山振

神武

我德六年大破明師於松山

太宗文皇帝崇

躬乘二白龍軍氣一作鼓

睿謀決勝奇黃蓋麾素羽帥師丈人吉績著宗

臣五

鄭親王睿郡王肅郡王貝勒多鐸貝勒杜度俱有大功

驍騎競歡騰

爪牙越祈父松山攻腹心杏山夷左股高橋聲

援壯乳峯餘勇賈夜半樹雲梯擒渠繫以組

擒明

總督洪承疇

孤軍懸錦城叩額軍門虜

明總兵祖大壽出降

兩

甄合長蛇烏忻聯海浦奪糧筆架山因敵成倉

庾嗟彼驅羊羣爭敵驕貔虎抗者螳奮車困者

魚游釜覆軍十三萬孱明乃自取

神皇體好生秋肅涵春煦誅宥俘帥洪縛釋降  
將祖全活數萬口虜卒樂安撫不誠失前禽吳

逆何足數

明總兵吳三桂孤身得脫

海隅

聖人出聲教溢梵宇遂航南溟來職貢修如縷

崇德七年西藏達賴喇嘛班禪喇嘛藏王固實汗遣使泛南海達盛京入貢

至今

烏斯藏

聖蹟共仰觀

西藏繪圖猶存

世頌

天人師首出萬國

主敬述松山側有徵信千古

大風渡巨流河

此水流真巨因風起怒波操舟風定後庸耐穩  
如何

四月二十一日朝謁

福陵恭紀

萬古鍾靈地

飛龍仰

在天脈從崑幹結氣到艮維全



福壤饒甘露

神臯暈紫煙城環松蔭密門啟日華鮮臺署陳

嚴具卿官告禮虔趨蹌人默爾瞻拜思悠然佛

影豐碑現

碑陰有觀音大士立像生成石紋也

皇心奕禩傳漢唐功德頌何若海無邊

朝謁

昭陵恭紀

鳳翥龍驤勢

橋山坦蕩中元勲窺石馬

神武紀彤弓

覆載乾坤並

光明日月同萬年增式廓佳氣鬱葱葱

早朝

大政殿卽事

東夏

皇居創扶輿

王氣隆林鴉迎曉日海燕舞春風制度三韓控

華光八表通

殿形八角翹瞻

勤政處肅肅兩京同

登威虎渡河

剡木舟從古聯成比目游乘虛非有觸破浪了  
無憂遠泛山光淨空涵水態幽衣袂終日戒利  
涉漫夷猶

中元節朝謁

永陵恭紀

兆域邠郃古天然

啟運山

山後五峯環抱  
俱似龍形朝拱

神榆垂湛露

神榆生如蓋枝葉常滴露

興祖寶頂上亭亭階下涓涓成流

靈虎護

嚴關

內有虎三五成羣夜出巡不嘯絕不傷人

不改

崇封舊方知

列聖艱

龍淵瞻拜肅林外雨濛濛

巡海雜詩

九月初四日出省十一月十六日旋省

柳河溝道上

西極來天馬東溟問海人  
遨遊三十載解脫百

千身巨水魚龍靜閭山虎豹馴更傳豐稔瑞禾  
穎獻

楓宸

秋穀秀雙穗將軍觀  
明恭呈御覽

抵廣寧城

無慮城頭日半斜炊煙深處辨人家劇憐繞郭  
霜松圃頗勝河陽一縣花

九日登醫巫閭山

四岳方遊畢今登北鎮高

予惟南岳  
衡山未到

名山緣未

了老我興彌豪雲日移嵐影天風靖海濤會須

凌絕頂暫得遠塵囂

補天石

天豈石能補  
媧皇鍊乃神  
功成千劫後  
此石獨全身

觀音閣二首

輕兜步上翠微巔  
琴筑泠泠響細泉  
活水靈山真自在  
十年重到小壺天

泰山有壺天閣

慈雲高護萬山秋  
洞偃蛾眉晚更幽

洞口闊十數丈形如

眉內莊嚴佛像  
空相不離諸法相  
何須海上覓神洲

旅館夜坐

指點閩山景虛無望海堂

遼時東丹王讀書處

談經人已

邈懷古夢應長怯對簪花鏡慵銜醉鶴觴寶階  
糕正好酬節伴茶香

天橋廠海口謁

天后宮

幽事心香祝天吳膜拜初甌閩傳聖蹟箕斗莫  
神居伏地涵元氣連山撼太虛願招河伯使履  
順赴歸墟

海船

秋晚落寒潮雲屯賈客橈洪波貯寶母稗販養  
花妖決鳥翔千里揚帆快一朝爲謀三倍利那  
顧半洋焦

旅食

旅食猶家食盤餐絕鼎烹蠺花鮮入饌鰕子嫩  
調羹食料供何補詩腸洗更清肥甘量所受足  
歟老書生

海上雨甚逆旅主人歛畱未許賦詩二  
首



野店無更漏惺惺夢未成水村人語寂海舶旅  
魂清寒淺淩孤枕風微暗短檠那堪秋雨急兼  
聽夜潮聲

海天風雨窟羈旅困如何信宿中人賦尋常十

戶多棲巖憶巴蜀

戊申夏雨阻於蜀棧

守渡記滹沱

辛酉夏大

雨阻於正定河南岸

宿命耽辛苦襟懷老不磨

### 釣魚臺

瀾汗彌天際誰投獨繭綸長鯨奔駭浪條鮒混  
齋淪地紀安如軸天網運似輪莫愁無釣餌卻

少釣鼇人

覺華島

碧海真圖畫  
蓬壺隔水涯  
波瀾成雉堞  
耕鑿隱人家  
時放桃源棹  
堪尋菊谷花  
何當乘蹻往  
絕頂飲流霞

詠人參

神卉鍾南北  
亭亭百草王  
元功資國老  
淑氣秉瑤光  
極葉尋時苦  
根株製處良  
海腴驚水府  
慎勿渡滄洋

野寺聲僧

袖子聲而壯逡巡過耄年

僧八十二

一根真寂滅萬

籟省畱連不入聲聞道惟參目聽禪鞠通無所用此老得天全

過遼陽城訪故傳臚王瑤峯同年宅并

索齒錄及其遺稿

華表峯高宿草局杳無鶴唳到空庭青年昔共

趨三殿

辛卯會試今四十年矣

白髮今存聚五星

庚午冬子與馬

朗山邵海圖鄭秋圃李雲門會於京都俱年近七旬同年存者五人

千里關山慚

掛劍一門衣鉢許傳經書田不沒生前草滄海  
遺珠信有靈

連雲島商船候風

巨艦連閩越生涯仗孟婆相鳥驚處少候熟穩  
時多殘雪明孤嶼寒雲隱大渦送歸風有信廣  
莫快如何

復州詠古三首

崔嵬陝觀察政聲古所無庭樹綠葉滿階下空  
號呼

世俗避嫌怨迂哉汲長孺持節不救火發粟胡  
爲乎

救民不救官埋輪羨張綱那堪一路哭聲斷九  
迴腸

小平島

曉日掛扶桑琉璃拖影長半蠡窺宿海

卽西域星宿海

一勺小蒲昌

西域開展南名羅卜淖爾卽蒲昌海

放眼無蓬塊澄

懷接混茫齊州煙九點指顧上帆檣

和尚島

學海通禪海難超最上乘江河無量數涓滴總  
含宏欲滅潛然火須懷不冶冰石僧今到岸彼  
岸有誰登

海口十月見菊有懷松湘浦制軍并簡  
寄

海南十月嶺梅香海北剛逢菊傲霜花信兩開  
人萬里老年風味許分嘗

曉發永定碛

四野村無犬孤城竈少煙遙傳深閭裏飯熟正

安眠

兩物

蟹豈愛駟驢採食充其口駟驢非愛蟹見人負  
之走兩物利己心異類爲羣友

壬申

冬獵雜詩

馬上口占

蹋雪興隆阪罷駟斗上坡年開第八秩努力做  
廉頗

鐵嶺有懷高且園畫虎

先生畫虎不畫鼠陶鑄山君超凡侶黑章黃質  
尚皮相電眼風毛乃機杼定遠能飛少師病克  
肖厥相絕千古論畫不以形似論天虎人虎豈  
同語我聞龍華裴軍使射虎山前遇老父竟日  
纔斃三十彪真虎一吼栗雙股公從何處覘雄  
態百里威生手指五吁嗟世少真虎多黠鼠黠  
鼠習見畫不數試倩先生畫虎手畫鼠要令鼠  
變虎



出威遠堡

狩典

熙朝重初冬肅氣揚豐碑傳蹟古

邊外二十里有碑刻班達

之神位

密樹護營長振武原常習從禽豈任荒爲

充三品

貢班達鎮巖崗

行圍官兵至此祭神插血畢然後入山

勒福得恩初圍

拜

賜鮮麋脯

三驅仰木蘭

九月蘭

上幸木恩賜鹿肉

敢辭擐甲老孰

與枕戈寒

辛酉

子由西藏告赴川楚軍營

上以臣年過六旬未許呷醋

容人易剖羊擇客難邠豐肩鉅任一德勉同官

### 哈蘇爾罕博業二圍

百里圍堅重和門一面開

周禮大司馬以旌爲左右和之門山

君衝月去仙客戴星來細柳軍容肅長楊

聖武恢

通志

歲行圍之地將軍世守此典

太宗每

萬方

猛巧服狐兔漫相猜

### 得奇三圍

雪霽旃門曉傳呼獻五貍是日獲野豬五孱丁單殺恥  
驍卒疊雙誇

愛新尼雅木招四圍

芟舍靡常所圍兼易險謀驅之雲幕合得也毳

帷收直使熊難蟄何妨鹿有由

呂溫由鹿賦言繫一鹿至由此

鹿可以致羣鹿也

一朝殲百十切莫逞虔劉

賡克依五圍

午夜重申令銜枚越嶺東任酣無量酒爭卻不

周風五校威儀整千夫苦樂同割鮮歡此日

是日

大饗  
軍士  
纘武竟叨功

察庫蘭六圍

老健穹廬興貪搜鹿豕羣馬迴菜野雪旗捲凍  
山雲未滿安懷願難堪飢溺聞省城西南將軍  
不負腹腹肯負將軍

石人溝拔營

半世功名路全憑天馬行梵城冰作毯濛地土  
爲羹見獵心情喜裁詩意氣平石人終不語應  
笑老書生

崖畔有石人南向立高丈餘  
漢丞相衣冠兩手以劒拄地

年班入 覲冰上過巨流河

驀地凌銀漢兢兢履凍紋

神臯回首望古郡此河分

即古遼河以此分遼東遼西

部屋

迷宵雪煙樓破暮雲寒暄聊一割前路愛斜曛

一齒落有感

脫盡羅千寶方參不露鋒自甘牛齡豆卻勝鼠

穿墉豁白何堪恥

昌黎落齒詩云豁白殊可恥

齟齬豈再逢

老饕艱肉食食饘粥且從容

癸酉

度天橋嶺

步步高寒路消嘶繞澗流山丁少完袿旅客重  
披裘寥落村雞咽稀疏隴麥抽梨花開向暖爛  
漫那知愁

哀瑞芸卿學士

伊犁將軍之子以進士

宗室晉晉齋翰林學士

芳草王孫蜨夢猜忽驚片玉掩輕埃鵬搏鵠立  
期無限桂折蘭摧吁可哀揮翰聲華誇吉士落  
戈門第哭英才最憐碎葉江邊雁萬里難堪叫  
月來

洋鼠蹋輪歌

奇哉洋鼠大如擘赤眼紅足毛雪白疑是上方  
金玉精好事攜來海客舶君不見冰鼠不寒產  
朔方火鼠不熱出南荒蒙鼓織布傳悠謬定知  
遷地弗能良惟有此鼠不晝伏不穴處木作樊  
籠方尺許飼以細穀藉以絛安飽優游儼大廡  
咀吁跂脈不畏人倏忽躍入綽車輪排虛蹠實  
千百轉駛若旋渦聚齋淪翹尾攀援不肯下列  
子乘風尻御馬乃知化機元無一息停子神生

肖通靈者箇中運動小乾坤五枝么蟲安足論

吁嗟仙人袖裏藏心源

春渚紀聞孫道人居嚴州天慶觀袖中嘗蓄十

數白鼠子每與人共飲酒酣出鼠爲戲欲捕取卽走投袖中了無見也

試探月窟

躡天根

和蔣丹林貓侍母食歌韻

君不見鄱陽貓將鼠羣哺又不見隴右貓與鼠  
同乳獨此貓兒侍母食無忝所生邁千古君家  
孝徵感中孚絕勝才名壓繡虎側輒橫眠具天  
性天性豈勞人摩撫憶昔召南雞狗傳又聞三



瑞楓橋觀兩賢著作表嘉祥白玉狻猊未暇數  
吁嗟哺鼠乳鼠事反常侍母定知天意取請看  
忍飢小於菟眼窺白老花陰午物猶如此享天  
倫豈不懷歸歌特怙鄰家錦帶青驄輩卜食溪  
鮮貪厚膾繪入潁王十玩圖洗面過耳樂栩栩  
此事君比董姚奇此詩我愧韓蘇補

詠竹葉蘭

蘭品重海內第一名都梁四時幽谷裏素心抱  
孤芳雅癖羅滁州移叢植書堂朝襲復暮擷賢

朋忒徜徉老愛夕陽紅少喜綠衣郎此花著上品  
紫色恨無香初疑趙師博再擬陳夢良我欲訪花  
神花神譜其詳粵東渥丹種葉闊柔而長含笑花  
半開朱槿同凋傷異葩產絕島海賈載重洋託名  
君子竹幻作美人妝無香免紉佩庸遭蜂採房願讀  
爾雅熟若蘭名乃彰

花紫形似蘭而無香產海島谷中

羣芳譜若蘭葉似若

詠松花糕行香子

春不芬芳秋不凋傷產千山貞性蒼蒼花同

艾納蕊結驚黃經一番雪一番雨一番霜  
愛迎日暖怕受風揚埽粉屑品著遼陽團以  
撫印和以沙糖嘗一分甘一分苦一分香

續紀遊行

有序

前詩紀遊起乾隆丙午止嘉慶己未蓋  
行十萬餘里自庚申至癸酉閱十四載  
又歷四萬餘里其閒景物聊可更僕茲  
畱守陪都公餘倣李義山轉韻二百  
句爲續紀遊行恐陽里子華未免操戈

逐儒生也

冷癡符作風雅軀茗柯蓬豔驚時流放眼鷗鵬  
九萬里蒙莊快著逍遙遊憶予白鳳年更西擯  
影瑤池一回首太液秋風刷羽鮮嬉娛尚及鴛  
鷺友潞河煙艇罨畫開連檣萬斛明珠堆筦簫  
強奮鼉鼉力

詔書頒下趨蓬萊蓬萊仙人艤舟待勤民先務  
輜軒采泰山絕頂樂登臨壯懷恨未及觀海觀  
海豈如遊聖門庭羅商鼎加周鑄天通神道真

不朽摩挲楷檜盤古根覆餗折足桑榆晚

聖主憐才勤策蹇車書隨我作歸裝撫膺尚覺  
雲程遠灤陽村塢咽晨雞似怯秋霜不敢啼三  
藏川前宿賓雁天風吹送玉門西瀚海茫茫彌  
天際解利西南告初筮不須三疊譜陽關定知  
雙陸無休勢蓮花并子月牙泉南祁連更北祁  
連伊吾守歲孤燈影

溫綸飛下九重天布幹登曹程一綫白霜如雲  
今內面勸授承嗣旋風筆願借光庭驅蚊扇白

龍堆北連高昌闕麴黑子曾僭王自從勒勲侯  
君集日月千載照雪霜戈壁驚砂卷遼曠輜車  
輕起飄篷颺火州城當火山前故壘久傳虎頭  
將馮耆飛出情蘭鵬開都河上愁冰消南接沮  
洳蒲昌海萬馬競渡葦湖橋丁谷浮圖出雲表  
車不旋輪路窰窰當年面縛龜茲王班門不愧  
將軍小溫宿短垣白水澄源瀉穆蘇百丈冰三  
軍懸渡夜迷道凌晨雪竇呼神鷹銜枚疾走棘  
沙徑尉頭小醜皆響應開門縛獻達瓦齊折其

太首全濛定旌節花榮烏什城蘇摩遮唱柳泉  
清持重安邊舊元老端資敏幹兼廉平娑車城  
裏娑羅影閒吟和卓園十景花瓜果草龍珠  
安得梁昆哭金餅崑崙玉圃高嶙峋團丁五百  
撈河濱漫道羌兒少知識下馬羅拜璞千鈞彌  
勒岱前排劒盾帳外雄風試鵬隼閒勞自古勝  
勞勞那辭抹月批風引厠乚納瑪牛羊羣高樓  
翔鼓餞夕曛慘淡雙封瘞白骨扶疎大樹傳將  
軍身處膏沐不自潤伊里齊城布恩信于闐獨

表定遠侯馬足抱時難發軔疏勒孤城葱嶺排  
籌邊樓創永心齋大小勃律雜回種書生愧我  
戎羌懷驅車遙指古依奈巴達克山亘徼外當  
年不誠失前禽樹領蛾伏乾坤大帽頭帕腹拜  
閑庭偃蹇山入一房青垂楊倒印水心鏡雜花  
四照天繪亭節鉞名叨鐫腳政三年報最許朝  
請野店黃花逢故人生入玉門僮僕慶伊州唱  
罷唱涼州旅夢題詩竹葉舟腳底天山自東轉  
眼前弱水還西流郵傳



天語輪臺守。怱怱重別金蘭舊。祝我天馬壯秋  
風。土飯塵羹而今又迴車。嘉峪沙漫漫。強支幹  
力。弓刀寒。簡書叱馭折羅坂。庫舍圖下七十二盤  
嶺。上姜碑。讀浩汗功。併貳師兩重案。西望靈山  
白骨堆。浪傳十萬阿羅漢。木壘連岡萬株松。參  
天翠幄霜雪封。遙呼石老人。識道石老終古不  
龍鍾。崎嶇滑躔行客恐。馱載全憑馬背腫。孤城  
舊說湧神泉。耿恭端不讓班勇。膏腴甌脫虎爪  
東岑碑。寺鐫永和中。連宵蒲類海邊睡。苦樂人

閒夢覺空堪笑癡頑蹋破甕私廚飾傳相獻弄  
震搖山岳一筆勾夜鬼揶揄人喧闐北庭重鎮  
古車師簿書叢脞無了期白水紅山冷日照明  
霜硬雨嚴颼吹戍已營田五城帥歸入虎牙一  
方寄博克達峯一掬慳冰雪寫成宦遊記漫空  
煙火暈萬家罷舞金剛歌夜叉野雉肥於壓油  
鳥勸子多啜柳花茶山農處處勤耕稼百里寒  
暄割冬夏黑河再渡古陽關稻畦繡隴江南亞  
書生都護兩鬢斑挽不能畱東入關歡然三到

酒泉郡不圖脫輶臯蘭山涇渭源頭尋討慣腐  
儒怕負崇途宦牛頭拗鼻欲觀風犬足生蹇惟  
思患鉛刀試割虛頭銜黥黥爭如老畢誠還家  
孫稚初識面繞膝窺我檢書函屋角招提聽放  
梵閒筇征袍更匣劒卻埽不妨馬作齋所樂開  
襟無一欠

翠華西幸禮文殊婪春膏雨中山濡敝車笑指  
盧龍塞五花城畔眠腐儒山海雄關披雲覩塊  
視九州真樂土扶筇快陟醫巫閭日色海濤互

吞吐曾臣翰墨老不廉杏松揚厲

神武嚴湧思右浥三水泚拓懷左拍千山尖保  
障昏昏秋省斂飲溺懷磚一按劒渤澥島嶼安  
足齒白章夜草貌窩店幽營稗傳誇遼金空炊  
尾焰酌蹄涔

龍祥勝蹟邁萬古邠岐豐鎬孰如今凌河雙帶  
西環錦句驪南下渾連袵

畱都雉堞八門開山倚東牟水近藩

橋山脈發長白嵐源尋萬丈之深潭黃瓦朱甍

擁翠幄三才寶穴真

神龕百年佳話憑鉛槧蓬瀛岡底恣周覽  
泱辰年續紀遊行乾艮兩維增百感

詠珍珠梅

一路梅花萬斛珠清高富貴兩名俱不知  
搖落春風後純盜虛聲恨也無

甲戌

題遼陽刺史安雲亭母節孝樂恭人手卷  
男冠女笄敘彝倫冠笄一一還天真我著不冠

而筭者三千年得二百人側聞襄平安刺史侍  
養慈顏今逝矣節孝賢明壽考全灑淚成編述  
終始吁嗟靈椿凋於彌月前送母不逮三時延  
兒生罔極恨如此士林應發蓼莪篇幸捧旌章  
剛及見冰蘖此生無一欠漫傷無復仗金魚詩  
人擬補筭男傳

姜女廟

山有名神海有靈荒祠天地有常經詩人莫唱

圓圓曲

吳梅村圓圓曲一代紅顏照汗青

爭比長城照汗青

入山海關

卅載梯雲客而今第八還官同蕉鹿幻人共海  
鷗閒塵鏡隨心拂風花過眼刪守符予老矣三  
字仰賢關

出古北口

九邊玉面紀遊行

西嘉峪關東山海關北古北口

利馬圖中一

線程

西洋利馬實地圖九萬里分爲五線

欲辨

皇輿天左界游環以外是長城

僧官帽山

是真空相混茫間何用毘盧掛此山料得禪心  
無所住大師聊且放頭閒古今詩話有成都僧  
文鑒及主簿張唐甫  
同在客次唐甫脫巾置僧首僧大怒唐甫曰某  
方頭痒取巾無處頓放見大師頭閒故權放少  
耳時

### 羅漢山

杖履曾傳古賀州

後藏西拉爾塘寺爲羅漢修  
練之所內有羅漢皮履水晶

拄杖寺  
僧寶之

竭來飛錫到營幽巍巍不語阿羅漢頑

石從教暗點頭

### 磬鍾峯



石人獨立千年雪巴里坤松樹塘北有石人砥  
柱平分九折河獨有此峯凌雪表摩天長得夕  
陽多

刪註黃庭經成題句

漆園枉著養生篇一卷黃庭尚可詮莫訝松梢

甘露降

漁隱叢話熙寧六年甘露降松上如濃酒民以爲瑞一道人笑曰如人身精液

流通周布於六十年中若其壽短促則湧  
迸於未死之前此木迨將槁矣驗之果然任誇  
權樹好花妍抱朴子木權橫倒植之最易生然埋淺未久津液不充若刻削搖拔  
之立枯矣壬夫丁女元無鼎癸穴庚渦信有泉  
人身亦然

刊落蕪辭存奧旨丹經從此不流傳

乙亥

二月五日友人以書索鹿胎七絕

卽鹿林中遠見猜木蘭守禁早安排側聞  
秋獮猶開網豈有春蒐肯殺胎

春分日祭 興安山神

北望興安嶺虔修祀典崇坤靈占止艮春氣孕

嚴冬黑頂無根柏

金梅志仙修道黑頂山有無根柏一株令其徒栽之卽見

茂盛陰山落葉松

山後松秋時落葉與凡木同

莫愁生意盡雪

底紫芝封

松根冬產赤芝

祭畢出柵口

一覽羣峯秀天然鐵四圍不辭霜氣重春旭滿  
征衣

喜雨

十二日穀雨

不貸東牆子春忙播土多一旬甘澍足萬戶有  
年歌穀雨催新麥桐風茁早禾  
皇心關稼穡花樹沐餘波

會龍山閱操

地奮春雷壯沿隄火陣明早銷戎伏莽卻幸老  
能兵爾習父兄業予聯子弟情風雲長會合莫  
負此山名

雨中度平臺嶺

滑躡平臺嶺穿雲小七盤

形勢類蜀中七盤山

翠淋牛舌

草香沱馬蹄蘭澗漚涓涓細籃輿側側寒萬家  
歌飯甕敢念瓦衣單

鳳凰嶺喜晴

六溝煙雨扈山莊挑盡殘燈趣曉裝跋到嶺頭

無點翳果然鳳翽喜朝陽

下祥雲嶺

祥雲東下入平泉曲水泠泠繞縵田更上層樓  
舒望眼樹黏山色草黏天

平泉慮囚

驛館躬行讞兢兢獄不畱日暄風澤緩雨足電  
雷收法網原無漏生門自可求白雲亭不達此  
去漫夷猶

過大寧故城

城在平泉州東北一百八十里今喀喇  
沁札薩克公境老河之北遼之中京大  
定府金之北京元改爲大寧路明置大  
寧衛永樂時廢土城高丈餘周二十里  
東西二門南北四門無雉堞城樓僅存  
周垣

夕陽西下古城陰八部名都跡可尋

契丹八部此其一也

豈有龍樓淹歲月

遼聖宗過七金山土河之濱南望雲風有龍樓鳳闕之狀

遂議建都實以漢戶號曰中京

更無佛塔鎮園林

城內有浮圖二城外有浮

圖一蒙古名察罕  
蘇巴爾漢今無存

山如捲幕巢春燕水似彎弓

射宿禽四十九藩歸化宇不須懷古問遼金

喀喇沁札薩公瑪哈巴拉宅晚餐

自變穹廬俗居然安樂窩筵開綽爾濟座獻馬

思哥野牧牛羊少山村稼穡多

久招民戶  
開田輪租

皇仁同一視齊政在人和

赤峯詠古

賢哉王叔能仁聲著番陽

名克敬  
大寧人

世俗勿認真

公獨矢剛腸行年五十九優游老河旁鈔書有

所得與古相徜徉穴趾崇墉危再實木根傷漏  
盡夜行人斯言烏可忘

天意全民命楚材識大體得地無人民一言資  
沃啟又如塔都帥白霄壺漿後不肯堅敵心十  
萬雄師抵

我學傅平東常年六十九庫露不離身黻黼不  
脫手敝帚享千金那管覆醬瓿殫心秉燭遊難  
答

主恩厚



食苦菜

甘菊餐延齡苦蕒啖如意我嘗茶苦味癖同甘  
薺嗜採之未秀前脆美等芳餌世味別酸鹹由  
來移素志苦茗結人少甘醴交朋易口腹本殊  
途沁入心脾異貪食中邊甜苦蜜誰曾試物類  
難終窮聖教原一致苦節不可貞甘節無不利  
聊作苦菜咏雅合醋芹義

荷包牡丹

畫錦真堪賞連珠綴十枚一聯荷紫佩八座裕

九月望前二日恭送

聖駕進古北口回署古城川途中作

楓葉連崗錦繡紋

翠華南望擁祥氛人歡畱幹門中路

古北口舊爲長城畱

幹門

馬壯烏梁海上羣

喀喇沁姓烏梁海

小草盡霑淋露

雨

八月白露雨名淋露雨

有年全賴護霜雲

九月多陰爲護霜雲今年

霜遲大稔

鞭絲帽影情何限且看飛鴻帶夕曛

噴雲虎

大化如環山澤通天教此意孕微蟲詩人漫道

風從虎吐氣還應扈

御龍

金蓮花

布地黃金映淺沙五臺勝蹟老煙霞

本出五臺山今熱河

處處有之

塞垣點綴非無意

輦路長迎佛座花

夜光木

杏木根入水年久其光夜照物

塞垣古木免消沈水面來從不朽林老幹枯時  
傳碩果堅光發處見多心豈同腐草生宵焰絕

勝明珠獻海琛要識神功元妙訣不須鑽燧照  
山陰

木蘭古長城

一段崇墉亘木蘭流沙直抵黑江干

見乾隆年御製

詩注熱河志自從

御翰標靈蹟古有陽關信不刊

烏魯木齊西五百里瑪納斯有

城一段名洋巴爾噶遜漢名古陽關

突厥雞

即沙雞子六十年前嘗此味如雌雞而微有土氣

鷄產風沙鎮可憐褐身毛足羽翩翩羣飛兩獻

熙朝瑞

天聰七年沙雞羣集遼東國人曰遼東向無此鳥今蒙古雀來必蒙古歸順之

兆明年察哈爾來降又乾隆癸酉甲戌連年冬月京師東北一帶此鳥羣來萬計次年準噶爾

來禽鳥由來得氣先

土人參

五代史奚王依北山射獵常采北山土人參五桠五葉今豐寧西境

諸山皆有之

頑仙漫著煙蘿子老學難逢榭樹翁常此寄生  
甌脫野精華終古遜遼東

丙子

大雪度鳳凰嶺

舊說南田望杏開北田開望雪滋培不須鶴氅  
誇風雅鳳嶺人傳白鳳來

櫻桃溝

三出平泉雪載塗總關詩思發籃輿更逢簫鼓  
宣村社鄭繁當年見此無

家僮釣魚不獲戲成五律三首

武列真廉水纖鱗不上鉤背人慵結網呼侶羨

臨流影亂長竿掠波旋寸餌收柳根傳異產

熱河

產柳根魚最鮮美而難得緣木豈能求

食料曾何限難禁口腹謀南江供玳背東海索

槎頭未解觀魚樂焉知得餌憂

外史甫亦樂魚之樂而亦憂魚

之憂也不得則縱得魚則烹魚樂於縱而憂於烹今魚得其餌而吾得其魚故憂

相忘

任河渚

海外史魚之在渚也安於渚而不知海其在海也又安於海而忘渚

物我

總優游

自放西河簞羣歡免一烹墨含充內史骨鯁憶

名卿鯽鮒看同隊鱖魴任獨行更防漁者和數

罟亦愁城

賦得家在江南黃葉村

歸都十月作

坡老題名跡秋風憶故園短箋山有色淡墨水  
無痕摩詰圖中客淵明記裏村江天萬里夢家  
室五更魂落葉應懷友扁舟欲到門空林歸未  
晚荒徑喜猶存筆筆抒閒趣聲聲見寓言那徒  
歌李氏詩畫悟真源

辛巳

病中喜雪

自別禪天雪於今兩紀周風華憑爛漫塵跡任  
夷猶病示維摩榻神安寓簡樓慶豐欣老健勉



冀

聖恩酬

春分前一日雪

燠雪成膏雨陰陽限此時  
彌天生意足獨有老農知

易簡齋詩鈔卷四終

男奎昌校字